

UNIVERZITET U TUZLI
Broj: 01-216-JN-15/25
Tuzla, 05.01.2026. godine

U skladu sa članom 69. stav (1) i (3), članom 70. stav (1) i (4) Zakona o javnim nabavkama BiH («Službeni glasnik BiH» broj: 39/14, 59/22 i 50/24) i članom 64. Statuta Univerziteta u Tuzli broj: 03-5695-1-2/23 od 18.10.2023. godine, a na osnovu preporuke Komisije Službena zabilješka broj: 01-216-JN-14/25 od 05.01.2026. godine, po punomoći Rektora Univerziteta u Tuzli broj: 01-6591/25 od 18.09.2025. godine Direktor za ekonomske poslove donosi

ODLUKU O PONIŠTENJU POSTUPKA JAVNE NABAVKE

I

Poništava se otvoreni postupak javne nabavke usluga fizičkog obezbjeđenja objekata na Univerzitetu u Tuzli u 2026. godini iz razloga jer nijedan od ponuđača nije dostavio tražene dokaze iz člana 45. stav (2) tačka a) do d) Zakona o javnim nabavkama u roku koji je odredio ugovorni organ.

II

Stupanja na snagu ove Odluke stavlja se van snage Odluka o izboru najpovoljnijeg ponuđača broj: 01-216-JN-9/25 od 08.12.2025. godine

III

Ova Odluka se objavljuje na internetskoj strani Univerziteta u Tuzli (www.untz.ba) istovremeno s upućivanjem odluke ponuđačima koji su učestvovali u postupku javne nabavke.

IV

Ova Odluka stupa na snagu sa danom donošenja i za njeno sprovođenje se zadužuje Odjeljenje javnih nabavki i investicija.

Obrazloženje

Univerzitet u Tuzli pokrenuo je postupak javne nabavke usluga fizičkog obezbjeđenja objekata na Univerzitetu u Tuzli u 2026. godini putem Otvorenog postupka javne nabavke broj: 01-216-JN-2/25 od 17.11.2025. godine objavljenom na Portalu javnih nabavki „E-nabavke“ broj: 795-1-2-169-3-160/25 od 22.10.2025. godine, web stranici Univerziteta i sažetak obavještenja u „Službenom Glasniku BiH“ broj: 63/25 od 24.10.2025. godine.

U ostavljenom roku ponudu su blagovremeno dostavila dva ponuđača „Agencija SEC ONE“ d.o.o. Sarajevo i “SWORD SECURITY” d.o.o. Sarajevo.

Nakon okončane procedure Odlukom o izboru najpovoljnijeg ponuđača broj: 01-216-JN-9/25 od 08.12.2025. godine odabran je kao najpovoljniji ponuđač “SWORD SECURITY” d.o.o. Sarajevo. U tački III Odluke o izboru najpovoljnijeg ponuđača je određen rok odabranom ponuđaču za dostavu dokumentacije iz člana 45. stav (2) tačka a) do d) Zakona.

Ponuđač “SWORD SECURITY” d.o.o. Sarajevo je dostavio dokumentaciju iz člana 45. stav (2) tačka a) do d) Zakona dana 23.12.2025. godine, ali nakon proteka ostavljenog roka od strane ugovornog organa.

Obzirom da je odabrani ponuđač prema Odluci o izboru najpovoljnijeg ponuđača propustio dostaviti originale ili ovjerene kopije dokumentacije iz člana 45. stav (2) tačka a) do d) Zakona o javnim nabavkama BiH, ne starije od tri mjeseca od dana dostavljanja ponude ili zahtjeva za učešće, u roku koji je odredio ugovorni organ, tim je ugovorni organ u skladu sa članom 72. stav (3) tačka a) ZJN dana 25.12.2025. godine poslao Poziv za dostavljanje dokaza iz člana 45. stav (2) tačka a) do d) Zakona drugorangiranom ponuđaču sa utvrđene rang liste tj. ponuđaču “Agencija SEC ONE” d.o.o. Sarajevo, a u svrhu dostavljanja prijedloga ugovora za predmetnu nabavku usluga. Istog dana ugovorni organ je poslao Obavještenje prvorangiranom ponuđaču o postupanju ugovornog organa prema članu 72. stav (3) tačka a) Zakona.

Drugorangirani ponuđač "Agencija SEC ONE" d.o.o. Sarajevo nije dostavio zahtjevane dokaze iz člana 45. stav (2) tačka a) do d) Zakona, ne starije od tri mjeseca od dana dostavljanja ponude ili zahtjeva za učešće, u roku koji je odredio ugovorni organ.

Obzirom da je Univerzitet u Tuzli, kao ugovorni organ, nakon provođenja postupka javne nabavke u skladu sa Zakonom o javnim nabavkama najuspješnijem ponuđaču dodijelio ugovor, ali je isti propustio dostaviti zahtjevane dokaze iz člana 45. stav (2) tačka a) do d) Zakona u ostavljenom roku, te po osnovu toga Univerzitet je u skladu sa članom 72. stav (3) tačka a) Zakona poslao Poziv za dostavljanje dokaza iz člana 45. stav (2) tačka a) do d) Zakona drugorangiranom ponuđaču koji je također u ostavljenom roku propustio dostaviti zahtjevane dokaze, a postupak javne nabavke se mora okončati na jedan od načina definisan članom 69. Zakona to je i odlučeno kao u dispozitivu ove Odluke tj. da se postupak nabavke poništava u skladu sa članom 69. stav (3) Zakona.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Direktor za ekonomske poslove Univerziteta prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1, 75 000 Tuzla.

DOSTAVITI:
1x ponuđačima
1x a/a



DIREKTOR ZA
EKONOMSKE POSLOVE
Aldin Osmanbegović, dipl. ecc.